



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj:06-2-02-2-610-1/23
Datum: 11.04.2023

Na osnovu člana 16. stav 2. i član 82. tačka 3) Zakona o veterinarstvu u Bosni i Hercegovini ("Službeni glasnik BiH", broj 34/02), a u vezi sa odredbama Pravilnika o identifikaciji i kontroli kretanja životinja u Bosni i Hercegovini („Službeni glasnik BiH“, broj 13/10, 79/10, 25/11, 103/11, 41/12, 52/15, 02/16 i 66/16), direktor Kancelarije za veterinarstvo Bosne i Hercegovine uz saradnju nadležnih entitetskih tijela, d o n o s i

O D L U K U
o ažuriranju brojnog stanja životinja na imanjima
u Bosni i Hercegovini

Član 1.
(Predmet)

Ovom Odlukom se vrši ažuriranje baze podataka koja se vodi u Agenciji za označavanje životinja i usaglašavanje brojnog stanja životinja koje se nalaze na imanju i u bazi podataka sa stvarnim brojnim stanjem životinja na imanjima u Bosni i Hercegovini.

Član 2.
(Cilj)

Cilj je unapređenje i efikasnije funkcionisanja cjelokupnog sistema identifikacije i praćenja kretanja životinja, kako bi se osiguralo sistemsko praćenje zdravstvenog stanja životinja, osiguralo praćenje epizootioloških prilika i poduzimanje odgovarajućih mjera, spriječilo širenje zaraznih bolesti i omogućilo provođenje programa mjera zdravstvene zaštite.

Član 3.
(Dodjela posebnog statusa životinjama)

Ažuriranjem brojnog stanja životinja u bazi podataka životinjama koje se **ne nalaze** na imanjima, a nalaze se registrovane na imanjima u bazi podataka dodjeljuje se poseban status i prevode se iz statusa „**Na imanju**“ u status „**Manjak po popisu**“.

Član 4.
(Način ažuriranja)

(1) Ažuriranje brojnog stanja životinja iz člana 3. ove Odluke može da se vrši direktno u bazi podataka od strane ovlašćenog veterinaru ili indirektno dostavljanjem Agenciji za označavanje životinja Zahtjeva za ažuriranje brojnog stanja životinja na imanjima, koji je sastavni dio ove Odluke.

(2) Ažuriranje brojnog stanja životinja vrši se direktno u bazi podataka od strane ovlašćenog veterinaru za sve životinje koje se **ne nalaze** na imanju, a nalaze se registrovane u bazi podataka sa statusom „**Na imanju**“ na način definisan Uputstvom o načinu ažuriranje brojnog stanja životinja na imanjima u Bosni i Hercegovini, koje je sastavni dio ove Odluke.

(3) Prilikom ažuriranja brojnog stanja životinja navedenih u članu 1. ove Odluke ne vrši se razduživanje pasoša za životinje koje su ažurirane u bazi podataka odnosno koje su u bazi dobile status „Manjak po popisu“, jer pasoši tih životinja nisu dostavljeni Agenciji za označavanje životinja.

Član 5. (Promjena statusa životinje)

(1) Ukoliko se utvrdi da životinja, koja je u procesu ažuriranja brojnog stanja životinja dobila status „Manjak po popisu“, nalazi na drugom imanju, ovlašćeni veterinar će, uz poštovanje svih propisanih mjera zdravstvene zaštite životinja, tražiti da se izvrši promjena statusa životinje iz statusa „Manjak po popisu“ u status „Na imanju“ u bazi podataka podnošenjem Agenciji za označavanje životinja, Zahtjev za promjenu statusa životinje, koji je sastavni dio ove Odluke.

(2) Uz Zahtjev za promjenu statusa životinje potrebno je dostaviti kopiju pasoša životinje i/ili Izjave vlasnika ili nadležne veterinarske stanice o statusu pasoša (npr. izgubljen, izgorio....).

Član 6. (Mjere za neusklađenosti)

(1) Sve životinje bez poznatog zdravstvenog statusa ili porijekla na imanju, će se unijeti u bazu podataka u periodu provođenja odredbi ove Odluke.

(2) Na obilježenim životinjama iz stava (1) ovog član obavezno je provođenje svih propisanih mjera na osnovu važećeg programa mjera suzbijanja zaraznih i parazitarnih bolesti životinja na teret vlasnika, držaoca ili čuvara životinja.

(3) Prilikom registracije životinja u bazu podataka iz stava (1) ovog člana, potrebno je direktnim ili indirektnim putem u Agenciju za označavanje životinja, radi izrade pasoša životinje koji se štampa sa posebnom oznakom “V”, dostaviti:

a) Obrazac A1 i

b) Potpisanu izjavu vlasnika o obilježenim životinjama iz stava (1) ovog člana.

(4) Podaci o životinjama iz stava 1. ovog člana biće dostupne veterinarskoj inspekciji pristupom u bazi podataka Agencije za označavanje životinja.

Član 7. (Kreiranje izvještaja u bazi)

Na izvještajima kreiranim u bazi podataka u procesu ažuriranja brojnog stanja životinja ne vrši se prikaz životinje koja je dobila status „Manjak po popisu“, osim u izvještajima o status životinja „Manjak po popisu“.

Član 8. (Realizacija i provođenje)

(1) Realizaciju odredbi ove Odluke provodiće ovlašćeni veterinari.

(2) Rok za provođenje odredbi ove Odluke je 12 mjeseci od dana donošenja Odluke.


(3) Način ažuriranja brojnog stanja životinja nakon perioda iz stava (2) ovog člana će odrediti Kancelarija za veterinarstvo BiH u saradnji sa nadležnim organima entiteta.

Član 9.
(Praćenje)


Za praćenje provođenja odredbi ove Odluke zadužuju se: Kancelarija za veterinarstvo Bosne i Hercegovine putem Agencije za označavanje životinja, nadležni organi entiteta i Brčko Distrikta Bosne i Hercegovine i nadležni organi za inspekcijske poslove, svako iz djelokruga svoje nadležnosti.

Član 10.
(Stupanje na snagu)

Ova Odluka stupa na snagu danom donošenja.



DIREKTOR


Saša Bošković, dr vet. med.

Dostaviti:

- Kancelarija za veterinarstvo Bosne i Hercegovine putem Agencije za označavanje životinja
- Nadležni organi entiteta,
- Nadležni organ Brčko Distrikta Bosne i Hercegovine,
- Nadležni organi za inspekcijske poslove,
- U spis
- Arhiva